

Ubvur Uburhu aka atsenge Ututu

Utsutson ri itsi ubvur Ututu

Awu Uburhu uner itser Uyesu unga atsenge ubvur uwurɛ ru Ututu uwerhi itsernga uwuruwi aka awu ru Ukirit. Abɔɔ agɛ Uburhu atseng ubvur ha ru Umakidoniya, ri ivangyɛ unga aka awe ru udĩ uku uzĩ Unikaforhi ru Uakaya ra amɛk aki 65 udzur ru unumkpi umbɔ aka amar Uyesu.

Ri inggbaashia Uburhu ayituwe Ututu ikpũ amɛnkɛ aka amɛɛ anggbaashi abika adɔsa awe ra ake, akirakɛ aka awuweke akarhãrhã nggu ikpũ amɛnkɛ abi Ukirit aka awe ra ake. Adzowe itsũwã ru Ututu ri itsi udĩkpi unga aka imesuwe ikikɔng abika adɔsa. Ri imimasha, Uburhu adzowe itsũwã ru unga ri itsi ikpũ ibibekyɛ iki imɛɛ abika adɔsa abɛk ra ake.

Abinkɛ aka awe umɔ

Utsutson ri itsi ubvur ha (1.1-4)

Anggbaashi ra abika adɔsa (1.5-16)

Itser iyi ikikɔng abika adɔsa (2.1-15)

Imesa nu igbiir ato (3.1-11)

Imimasha (3.12-15)

¹ Idzeku Uburhu ugãrhã Unum nu ungwɛ itser Uyesu Ukiristo. Aseng umum na adena umum ifituwe abi imangmang ru Unum aka aseng ni idarh umbɔ ahwɛng idzidzerhayɛ iki ikũ izĩ idɔsu Unum,

² ngge iki isei ri ifosa iyi urhɛ uwu ugbaa. Unum uwuruwi aka asi igberangwĩ, aka abemuwa umɛn urhɛ ha na adɔrha angwɛ ivang.

³ Ri ivanga uku kpengkpeng Unum akũ idzidzerhanga adzeka ri irhirhang ri idzowe isarhe, iyiriyε umbɔ aka adzaa ru umum agε umum ídũwā ri itsitsu Unum uwuku ufōrh umεn.

⁴ Ubvur uwurε uzĩ ru Utitu ungwẽmum uwu idzidzerhe ri imangmang. Imimuta nu ididɔɔr idzeku Unum Utε nu Ukiristo Uyesu Uwuku Ufōrh umεn.

Itser Utitu ru Ukirit

⁵ Umum íbɔra ungo ru Ukirit ru ungo umashuwe itseryε iki íbɔr nu usεng anggbaashi ri ikikɔng abika adɔsa ru uben utepa, ru nyaka umum iki itsuka ungo.

⁶ Awu ufang unggbaashi awu unerwi aka ashia ru uvau, awe ru utserha unying ukpekũ, uwuruwi angwẽnga aka awe ru imangmang ru Uyesu na asi iwembɔ abi ishera amεn use ida igũ arherhe.

⁷ Unggbaashi ri ikikɔng abika adɔsa adzεu aner Unum na awu ufang unga ishia ru uvau ru uben unera, asi íwea uner íberĩ itsi use afērĩ igũ avɔm, asi ídzowuka itsinga ra adε, use uner itsoo, use uner ikponu uhwek.

⁸ Nu ngge iki iwe rimi awu ufang unga awu uner uwuku uyεi atsen, unerwi aka abemu iyiki ize, uwuku ukpɔm itsinga, uwuku urhurhika, uwuku usar na adɔɔr.

⁹ Arherhu-Num awu idzidzerhe, awu ufang unga akpɔm Arherhu-Num akarhārĩhā uku kpengkpeng ru nyaka umbɔ aka amesuwe. Ngge ítsu unga afituwe abɔɔ abika adɔsi imesa ha na adεyiwe igbigba abika akpēna ngge.

¹⁰ Ubinkutsu abika asoyi amēn awu arherhe, abi arherhe aka atārḥā nu abika arhurhem, undzumunga ru ukpui abi Uyahuda abika adosu ikpem usorhe.

¹¹ Awu ufang umbō atserha umbō anukutata, ubinkutsu umbō asoyi amēn aya anera arherhe nggu imesa iyē iki isi imēngge umbō amesuwe ri ibee iwu ru uhwek.

¹² Uko nggaa uwuku umesuwe umbō agər agē, <<Abi Ukarita uben ivang awu abi igberangwī, ijuē iyiki ibewe, abi igherha abika akponi ighabin urherhe.>>

¹³ Ideka iyere iwu idzidzerhe. Nggee, utserha umbō akarḥārḥā, ngge itsú umbō awuri imangmang iyi idzidzerhe.

¹⁴ Umbō awuri inekukumbō ikpeto ra atsutson akatārḥā abi Uyahuda nu idosi ikpem abirabē aka akpēmbo idzidzerhe.

¹⁵ Ra abika asar, abina kishoo awu asarsa-take, bər ra abirabē aka asi isarmbo na ashimbo ri imangmang, ubin usi isarkpō. Idzidzerhe, iferhkombō iyiki ihweng iyiki ize nu iyiki ibewe iki ikpengge.

¹⁶ Agər agē umbō ahwengmbō Unum, bər ri itsermbō atseyimbō unga. Umbō awu abin ishī, abika akpē ididosa, asi idēē atōmbō itser iyiki ize.

2

*Ubin uku uwe ufang
umbō amesuwe anera*

¹ Bər ungo, awu ufang ungo umesuwe ubin uku uwe uku kpengkpeng ri imesa iyi idzidzerhe.

² Umesuwe akakũ akatsak umbõ angwẽdzẽn nggu atsimbõ, amẽ iyẽi imor, akpõm atsimbõ, na adẽẽ aker ri imangmang, na awe ru ibibema nu ibibima akarhãrhã.

³ Rimi hã, umesuwe akakũ akatsẽrh umbõ aseĩ iseyiẽ iki idzowe imor ru Unum, asi ãnyatumbõ inyar, use anyanga atsimbõ adzowe ra adẽ, bõr amesuwe abin aka aze.

⁴ Umbõ amesuwe akatsẽrh abika awe ru iker umbõ abema atsakmbõ nu angwẽmbõ,

⁵ na awe abika akpõm atsimbõ na asar, abika atõ itser ra aya, abika awu ra amẽn, abika adõsa arherhe atsakmbõ, ngge itsũ anera asi írhenumbõ Arherhu-Num.

⁶ Rimi hã, ufituwe awẽdzẽm umbõ akpõm atsimbõ.

⁷ Ru ubẽn ubin ukorhu ubinkpi uku idẽyiwe umbõ itser iyiki ize. Ungwẽdzẽn nu utsu amẽnngo

⁸ nu urherhe irhẽm iyi idzidzẽrhe ri imesango anera aka asi idẽẽ acayimbõ. Ukorha akẽrẽ ngge itsũ abika akpẽ ungo ama agũ atsa ubinkutsu umbõ asi íkpombõ iyiki ibeweyẽ umbõ aka irherhe ra atsimẽn.

⁹ Umesuwe agãrhã umbõ adõsa arherhe ateyambõ ru ubẽn ubin, na atsu umbõ agũibẽn. Niba awembõ ru uning nggu umbõ,

¹⁰ niba avẽumbõ ivẽu ra aya ateyambõ, bõr adẽyiwe atsimbõ ri idzidzẽrhe ra abina kishoo. Ikorhe rimi hã ngge itsũ imesa iyẽrẽ iyi Unum Uwuku Ufõrh umẽn iwe ru izama ru ubẽn utsĩndĩã.

¹¹ Imimutu Unum iyiki ikũ ififõrh iki idzekangge ra anera kishoo.

¹² Imesewa umẽn igẽ umẽn ãgõr ugẽ <ĩĩ> ri ikpona abin upfung nu ikorha abinkẽ Unum aka

asi ibemunga. Imesuwa umen igε umen ĩgər uge <<ĩ>> ri ibibek ri ikpəm atsimen, iwe abika arhurhika, ni ibek ru nyaka Unum aka abee umen ibek ru upfung ukpu irherε.

¹³ Umen ikorhe rimi ri idzεu ifosa iyi Unum aka atsuke idorh, ngge iwu ibiba ikpikpoi iyi nggaa Unummen nu Uwuku Ufər, Uyesu Ukiristo.

¹⁴ Unga adzowe itsinga na afai na afona umen ri kishoo iyiki ibewemen na asare anerabe aka awu abinga, abika atsu amen atō itser iyiki ize.

¹⁵ Umesuwe abin akεε. Ufituwe nu utsərhe nggu ijee kishoo. Niba uneke unera akwεerka ungo.

3

Ikorhe ubin uku uze

¹ Uyituwe anera umbō adōsa arherhe abi ijee, na agbisha adzεu itō uben itser iyiki ize.

² Niba arherhumbō arherhe urhena ri itsi uben unera, aseĩ uku ughwōw, awe abika adōr na arherhe atsimbō ra anera kishoo.

³ Isha umen iwu aguge, iwemen ru ida idōsa arherhe, abina akōō aka arhem umen. Ni iwe agārḥā ri ikpona ru ikpū abina arherhe ru upfung. Ibibekmen iwu ibewe nu unyēē, abōō akpēmbo umen nu umen ikpēmen abōō.

⁴ Bər ivangye inna nu ibibemu Unum Uwuku Ufər umen iki idzeka,

⁵ unga afər umen, isi iwengge ubin ukpuku urhurhika umen iki ikorhe, bər awu atorhnga atsu. Unga afər umen ru ubok Ipfu Isarsatangge aka asorh arhimmēn, na adzaa umen urhe uwuku ufa.

⁶ Unum awupuwa Ipfu Isarsatangge ru umen izũwã ru ubok Uyesu Ukiristo Uwuku Ufõrh umen.

⁷ Unga anyanga umen iwu abika arhika ru ubok imimutanga, ngge itsú umen iwe abi ukam urhe uwu ugbagbaa umen iki ifosa.

⁸ Akere ha awu arherhe idzidzerhe. Umum ibee ungo udẽẽ uker ra abin hã, ngge itsú abirabe aka uwe ru imangmang ru Unum adzowe atsimbõ ri itõ itser iyiki ize. Abin hã awu azeze na awu ru ugarh ru uben unera.

⁹ Bõr niba utsĩõ uning uwu ibem nu uning anang atokamen nu uning aki Ikpem abi Uyahuda, ubinkutsu ashike ru ugarh na asi íyikuke unera.

¹⁰ Ugbiite ato uner uning idiki unying nu ide uvaa. Akere aba amaaake, ugau itsingo nggu unga.

¹¹ Uhweng uge ikpũ uner ha aka ayapunga ru utsĩndĩ, anu ikorha arhim, unga aka atsĩmka itsinga.

Arherhe aka umumasha

¹² Kanying umum ĩba idenukũ Uartima use Utikiku ru ungo, ubee udĩã uba ru umum ru Unikaforhi, ubinkutsu umum iwuri isei umõ ri ivang ighenga.

¹³ Ubee udĩã uyike Uzena urhoya ha nu Uaforho ru utsĩndĩ nu uhweng uge umbõ akpombõ uben ubinkpi umbõ aka abee.

¹⁴ Awu ufang anermen amesi idzowe atsimbõ ri ikorhe abin aka aze, nggee umbõ ama adẽẽ ayike ifer itsũwãmbõ na niba aseimbõ isei iyiki isheru ugarh.

¹⁵ Uben unera nggu umum ighwe ungo. Ughwe abika abema umen ri imangmang.

Imimutu Unum ima iwe nggu umbi kishoo.

Ibibemuwe-Num Iyiki Ifa Ru Dũya
Duya: Ibibemuwe-Num Iyiki Ifa Ru Dũya (New
Testament)

copyright © 2024 Wycliffe Bible Translators, Inc.

Language: (Duya)

Translation by: Dũya Development Association

Contributor: SIL Nigeria

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-08

PDF generated using Haiola and XeLaTeX on 8 May 2025 from source files dated 8 May 2025

3ccd0531-8578-54e4-a023-62d4592e4b27